

M A R I I A R .

C A D I S N A R .

N I E N S I S ,

A D

legem primam, C. de edendo.

Interpretatio noua:



Qua uerus atq; legitimus legis sensus Doctorū
ad hæc usq; tempora, cum uaria, tum multi-
plici disputatione confusus, in lucem, uelut è
tenebris, perspicuè reuocatur.

V I R T U T E D V C E S



C O M I T E F O R T V N A .

L V G D V N I A P V D S E B .

G R Y P H I V M ,

1 5 4 3 .

CLARISSIMO AC

REVERENDO PATRI

D. Federico Casio Tudertino

Antistiti Marius Arcas

felicitem,



SI QVIS unquam ingenio, doctrina, gratia, dignitate, inter homines emicuerit, is haud dubie nunc mihi uideri soles, Praesul praestantiss. qui rerum singulari prudentia praeditus, pietate, mansuetudine, uita morumq; integritate, eam ubique gloriam ac laudem fueris adeptus, ut caeteris anteire, rerumq; splendore praestare merito uidearis. Atque ut reliquas uirtutes tuas, a patre acceptas, auctas a fratre, iure quodam hereditario possideas, eam tamen qua de alijs benemerendi occasione, certissimum immortalitatis gradum comparasti, sic tibi peculiariter uendicas, iure que asciscis, ut uel hac una cunctorum in te studia, uoluntates, facile prouocaueris. Et ut interim omittam ea, quae saepius collabenti iam patriae, plane que ruitur & salutariter praestitisti: sic tamen in dies uniuersis omnibus, ciuibus, familiaribus, propinquis, beneficis ac liberalis existis, ut te unum omnes praedicent, laudent, efferant: qui indigentibus opem seras, afflictos soleris, iacentes erigas, labantes firmes. Quibus ego aliquando excitus, horumq; commonefactus, & si summo studio, admiratione, laude, fuerim prosequutus: praecclare tamen mecum agi posse existimabam, si quae tu solus interire, penitusq; obscurari sineres, publice ipse quandoque testari possem. Quam ob rem cum superioribus diebus, Romae uelut furij agitatus, fatali que rerum mearum necessitate

6
M A R I I A R -
C A D I S N A R N I E N -

S I S I N I N T E R P R E -

tationem legis primæ C. de

edendo, ad Lecto-

rem

P R A E F A T I O .



I R A R I mecum sæpe solco, le-
ctor optime, cum in cæteris disci-
plinis, tum in hac legum sancta ci-
uiliq; scientia: quòd cum uno di-
scendi fine, eademq; perpetuo fue-
rit comprehensa, sic tamen animo-
rum uarietate, suo quenque studio
rapi, ut in re propemodum simili, diuersa tamen omnes se-
ctari proculdubio uideantur. Quosdam ita crebris opinio-
num fluctibus agitari intelligas, ut ijs planè obrui, iucun-
dum, suaueq; sit: Alios sic illis infestos inuenias, ut unius
aut alterius iudicio contèti, uiam plerunq; ueritatis igno-
rent: Permulti adeo felici quadam ubertate luxuriant, ut
plura recidere, quàm quicquam addere posse uidearis:
Contra sic plerosque steriles uideas, ut nullo quouis cultu
fructuosiores eos reddideris: Nonnulli ita leniter fluunt,
ut uix riuulos facere, amœnioraq; tantum aspergere cre-
das: Alij tanta ubiq; rapiditate feruntur, ut palmitem sti-
pitemq; omnem secum facile trahant: Per plures sic sæpe
subtilitatibus iuris indulgent, ut nimio cognitionis acumi-
ne, seipsos miserè frangant: Alios ea stoliditate præditos
cernas, ut uelut in perforatum dolium ne quicquam infun-
das: